



Broj: 05-04-20-2916-3/20

Datum: 01.10.2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-2916-2/20 od 01.10.2020. godine, u postupku javne nabavke „Izgradnja fekalne kanalizacije u naselju Misurići (nastavak izgradnje)“, ovlašteno lice ugovornog organa Načelnik općine Maglaj d o n o s i

O D L U K U o izboru najpovoljnijeg ponuđača

I

Najpovoljnija ponuda pristigla u postupku javne nabavke radova „Izgradnja fekalne kanalizacije u naselju Misurići (nastavak izgradnje)“ je ponuda ponuđača „**Hajdić**“ d.o.o. Maglaj, broj 57/20 od 24.09.2020. godine, u konačnom iznosu od 92.000,00 KM (bez PDV-a), odnosno 107.640,00 KM (sa PDV-om), nakon e-aukcije održane dana 01.10.2020. godine.

II

Izabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

V

Ova odluka ima se objaviti na web stranici Općine Maglaj, u skladu sa članom 70. stav 6. Zakona o javnim nabavkama.

O b r a z l o ž e n j e

Odlukom o pokretanju postupka, broj 05-04-20-2916/20 od 03.09.2020. godine, pokrenut je postupak javne nabavke „Izgradnja fekalne kanalizacije u naselju Misurići (nastavak izgradnje)“. Predmetna javna nabavka objavljena je na Portalu javnih nabavki, obavještenje o nabavci broj: 1140-1-3-40-3-37/20 od 03.09.2020. godine. Kriterij za dodjelu ugovora je najniža cijena.

Do krajnjeg roka za dostavljanje ponuda, koji je istekao 24.09.2020. godine u 12,00 h ponude su dostavila četiri ponuđača, po redoslijedu zaprimanja kako slijedi:

r/b	Naziv ponuđača	Cijena bez PDV-a u KM	Cijena sa PDV-om u KM
1.	„Geo-put“ d.o.o. Maglaj	141.954,22	166.086,44
2.	„Hajdić“ d.o.o. Maglaj	119.919,06	140.305,30
3.	„DKM gradnja“ d.o.o. Maglaj	127.687,14	149.393,95
4.	GP „Heldovac“ d.o.o. Žepče	143.844,90	168.298,53

Komisija za javne nabavke, imenovana Odlukom broj 05-04-20-1392/20 od 20.04.2020. godine, izvršila je javno otvaranje ponuda u predmetnom postupku dana 24.09.2020. godine s početkom u 12,15 h. Na otvaranju je prisustvovala predstavica ponuđača „DKM gradnja“ d.o.o. Maglaj, Almedina Hamidović, uz predočenu punomoć broj 361-09/20 od 24.09.2020. godine, te predstavnik ponuđača GP „Heldovac“ d.o.o. Žepče, Elvir Omerović, uz predočeno ovlaštenje broj 151-06/20 od 24.09.2020. godine. O otvaranju ponuda Komisija je sačinila odgovarajući zapisnik, koji je bez odlaganja dostavljen svim ponuđačima.

Na zatvorenom sastanku, održanom dana 24.09.2020. godine, Komisija je pristupila pregledu i ocjeni ponuda. Komisija je sve ponude ocijenila prihvatljivim i zakazana je aukcija za dan 28.09.2020. godine s početkom u 11,00 h. Međutim, zbog naknadno uočenih nejasnoća u ponudi ponuđača „DKM gradnja“ d.o.o. Maglaj, koje bi mogle biti od uticaja na njegovu kvalifikaciju, zakazana e-aukcija je otkazana dok se ne izvrše dodatne provjere, u skladu sa članom 6. Pravilnika o uslovima i načinu korištenja e-aukcije („Službeni glasnik BiH“, broj 66/16).

Komisija je, dana 25.09.2020. godine, pozvala ponuđača „DKM gradnja“ d.o.o. Maglaj da, najkasnije do 30.09.2020. godine, dostavi pojašnjenje referenci navedenih u ponudi, u skladu sa članom 48. stav (5) Zakona o javnim nabavkama, iz razloga što se iz naziva navedenih ugovora u ponudi nije moglo nedvojbeno zaključiti da se odnose na radove koji su srodni radovima koji su predmet ove javne nabavke. Ponuđač „DKM gradnja“ d.o.o. Maglaj je blagovremeno, dana 28.09.2020. godine, dostavio traženo pojašnjenje, broj 2809/20 od 28.09.2020. godine. Nakon analize dostavljenog pojašnjenja, Komisija je utvrdila da se radi o radovima koji su srodni radovima koji su predmet ove javne nabavke, te je ponudu ponuđača „DKM gradnja“ d.o.o. Maglaj ocijenila kao prihvatljivu.

U skladu s navedenim, zakazana je e-aukcija za dan 01.10.2020. godine, s početkom u 9,00 h.

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM za ugovor bez PDV-a	Cijena / KM za ugovorska PDV-om
1.	„Hajdić“ d.o.o. Maglaj	92.000,00	107.640,00
2.	„DKM gradnja“ d.o.o. Maglaj	93.666,00	109.589,22
3.	„Geo-put“ d.o.o. Maglaj	101.880,00	119.199,60
4.	GP „Heldovac“ d.o.o. Žepče	118.000,00	138.060,00

Na osnovu naprijed navedenog, a prema kriteriju najniže cijene, koji se u konkretnom postupku primjenjuje za dodjelu ugovora, Komisija je utvrdila da je ponuda ponuđača „Hajdić“ d.o.o. Maglaj najpovoljnija za ugovorni organ, te je u skladu s tim rukovodiocu ugovornog organa predložila da se ugovor za izvođenje radova na izgradnji fekalne kanalizacije u naselju Misurići (nastavak izgradnje) zaključi sa navedenim ponuđačem.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Ponuđači 4x
2. Služba za urbanizam, geodetske i imovinsko-pravne poslove
3. a/a



NAČELNIK OPĆINE
Mirsad Mahmutagić

